

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), na prijedlog Ministarstva zdravstva, Vlada Zeničko-dobojskog kantona, na 48. sjednici, održanoj dana 13.03.2020. godine, d o n o s i

ZAKLJUČAK

I.

Prima se na znanje Informacija o stanju u vezi kontrole corona virusa na području Zeničko-dobojskog kantona i čini sastavni dio ovog zaključka.

II.

Zaključak stupa na snagu danom donošenja.

**PREMIJER
po ovlaštenju**

Mirnes Bašić

Broj: 02-_____/20
Datum, 13.03.2020. godine
Z e n i c a

DOSTAVLJENO:

1x Ministarstvo zdravstva,
1x Ministarstvo finansija,
1x Institut za zdravlje i sigurnost hrane Zenica, putem ministarstva,
1x JU Kantonalna bolnica Zenica, putem ministarstva,
1x Kantonalna služba civilne zaštite,
1x Zavod zdravstvenog osiguranja Zeničko-dobojskog kantona,
putem ministarstva
1x a/a.



**BOSNA I HERCEGOVINA
FEDERACIJA BOSNE I
HERCEGOVINE
Zeničko-dobojski kanton
KANTON DOBOJSKI ZENIČKI**

**INFORMACIJA
O STANJU U VEZI KONTROLE CORONA VIRUSA
NA PODRUČJU ZENIČKO-DOBOJSKOG KANTONA**

Zenica, mart 2020.godine

UVOD

Zdravstvene vlasti NR Kine su, krajem decembra 2019.godine, izvijestile SZO i svjetsku javnost, o pojavi novog virusa iz porodice corona virusa, koji je izazvao epidemiju u Gradu Wuhanu, a zatim je, do kraja januara 2020.godine registrovan u drugim zemljama jugoistočne Azije i na drugim kontinentima: Sjevernoj i Južnoj Americi, Evropi, Australiji.

2019-nCoV je betakoronavirus, poput MERS-a i SARS-a, koji imaju svoje porijeklo u šišmišima.

SZO prati dešavanja vezana za pojavu i širenje novog corona virusa i na osnovu tih informacija, a u skladu sa Međunarodnim zdravstvenim propisima, izdaje smjernice i preporuke za sve zemlje, u cilju sprečavanja širenja bolesti izazvane novim corona virusom.

Tako je, 25. januara 2020. godine Svjetska zdravstvena organizacija izdala prve-privremene smjernice za prevenciju i kontrolu infekcije prilikom medicinskog zbrinjavanja u slučaju sumnje na novi coronavirus (2019-nCoV), a 31. januara 2020. godine je epidemiju oboljenja izazvanog sa 2019-nCoV, proglasila **izvanrednim javnozdravstvenim događajem od međunarodnog značaja**. S obzirom da se oboljenje izazvano novim corona virusom može javiti u bilo kojoj zemlji svijeta, dakle predstavlja globalnu prijetnju, sugeriran je koordiniran zdravstveni odgovor. Ne preporučuje se prekid saobraćaja ljudi i roba.

Coronavirusi su velika porodica virusa, od kojih neki mogu uzrokovati bolest kod ljudi, a drugi cirkuliraju među životinjama, uključujući deve, mačke i šišmiše. Rijetko koronavirusi koji cirkuliraju među životinjama mogu evoluirati i izazvati infekciju kod ljudi, kao što dogodilo s MERS-om (Middle East respiratory syndrome) i SARS-om (Teški akutni respiratorni sindrom). Protekle epidemije MERS-a i SARS-a bile su složene i zahtijevale su sveobuhvatne javnozdravstvene odgovore.

Prema zvaničnim podacima SZO-a zaključno sa 01.03.2020. godine globalno je potvrđeno preko 89.000 slučajeva sa 3.046 umrlih. U Kini je potvrđeno preko 89.000 slučajeva, Koreji 4212, Italiji 1689, Iranu 1501. Zabilježeni su i slučajevi u Hrvatskoj, Sloveniji i Srbiji, a zatim i prvi slučajevi u Bosni i Hercegovini. Treba napomenuti da se situacija po pitanju brojeva mijenja svakodnevno.

Obzirom da se radi o novom virusu još uvijek postoji mnogo nepoznanica. Primarni izvor zaraze još nije poznat, iako se pretpostavlja da potiče sa životinja. Potvrđen je prijenos s čovjeka na čovjeka, s tim da još u potpunosti nije poznato način i obim prenosa virusa među ljudima. Prema procjenama, virus se može prenijeti s čovjeka na čovjeka prilikom produženog bliskog kontakta. Inkubacija (period od zaraze do pojave prvih simptoma) traje do 14 dana. Trenutno ne postoji specifičan tretman liječenja novog coronavirusa, nego se liječenje provodi u ovisnosti od simptoma, odnosno kliničkih manifestacija.

SZO je dana 11.03.2020. godine proglasila pandemiju coronavirusa (Covid-19), jer je to javnozdravstveni rizik i za druge države, i to zbog međunarodnog širenje ove bolesti, koja potencijalno zahtijeva koordinirani međunarodni odgovor, kada nastane situacija koja je "ozbiljna, iznenadna, neobična ili neočekivana", i koja "ima posljedice na javno zdravlje i izvan državne granice pogođene države" i "može zahtijevati trenutno međunarodno djelovanje." Izjavu objavljuje Odbor za hitne slučajeve (EZ) koji čine međunarodni stručnjaci koji djeluju u skladu s

Međunarodnom zdravstvenom regulativom iz 2005. godine (u daljnjem tekstu: IHR), koji je razvijen nakon izbijanja SARS-a 2002/2003. Od 2009. godine bilo je šest PHEIC deklaracija: pandemija H1N1 (ili svinjske gripe) iz 2009. godine, deklaracija o poliologu iz 2014. godine, epidemija ebole u 2014. godini u zapadnoj Africi, epidemija Zika virusa 2015–16, 2018–2019. Epidemija kivu ebole i epidemija koronavirusa 2019. Preporuke su privremene i zahtijevaju preispitivanje svaka tri mjeseca. Znači i Bosna i Hercegovina/ Federacija BiH u datoj situaciji imaju se ponašati u skladu sa službenom izjavom SZO i IHR-u.

ZAKONSKI OKVIR

Zakonski okvir koji definiše prostor u kojem se može i treba djelovati po pitanju ove zdravstvene prijetnje obuhvaćen je sljedećim propisima:

- Zakon o zaštiti stanovništva od zaraznih bolesti („Službene novine FBiH“, broj: 29/05), propisuje opće i specifične mjere prevencije pojave i sprečavanja zaraznih bolesti i nadležnosti, mjere nadzora, kontrole i izvještavanja,
- Pravilnik o obavljanju obavezne dezinfekcije, dezinfekcije i deratizacije (Službene novine FBiH“, broj: 30/16),
- Međunarodni zdravstveni pravilnik (IHR), koji propisuje obaveze zemalja potpisnica Međunarodnih zdravstvenih propisa u situacijama globalne prijetnje,
- Zakon o zdravstvenoj zaštiti („Službene novine FBiH“, broj: 46/10 i 75/13),
- Pravilnik o osnivanju i radu kriznih štabova („Službene novine FBiH“, broj: 10/12),
- Zakon o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10) i dr.

Zakonom o zaštiti stanovništva od zaraznih bolesti („Službene novine Federacije BiH“, broj:29/05) utvrđene su zarazne bolesti čije je spriječavanje i suzbijanje od interesa za Federaciju BiH, mjere zaštite stanovništva od zaraznih bolesti, kao i obveze jedinica lokalne samouprave: općina, kantona i Federacije BiH, zdravstvenih ustanova, zavoda zdravstvenog osiguranja, nositelja privatnih praksi, gospodarskih društava, kao i drugih pravnih i fizičkih osoba.

Novi coronavirus nije utvrđen kao zarazna bolest regulirana u članku 8. citiranog Zakona. Međutim, upozoravamo da je članom 8. stav (2) Zakona regulirano: „ako se pojavi opasnost od drugih zaraznih bolesti, čije je spriječavanje i suzbijanje od interesa za Federaciju BiH, Vlada Federacije BiH, može na prijedlog federalnog ministra zdravstva i uz stručno mišljenje Zavoda za javno zdravstvo Federacije BiH, odrediti da se za zaštitu stanovništva od takvih bolesti primjenjuju sve ili pojedine mjere utvrđene Zakonom.

Aktom Zavoda za javno zdravstvo Federacije BiH, broj M-01-02-01-2-41/20 od 31.01.2020. godine određeno je da se novi coronavirus ima smatrati zaraznom bolesti, čije je spriječavanje i suzbijanje od interesa za Federaciju BiH, te da se u tom kontekstu imaju primjenjivati sve mjere predviđene Zakonom. U tom smislu i ovom Informacijom namjera je upoznati Vladu Zeničko-dobojskog kantona sa novom zaraznom bolesti, čije je spriječavanje i suzbijanje od interesa za Federaciju BiH, a u smislu članka 8. stavak (2) Zakona, kao i poduzimanju mjera predviđenim ovim Zakonom.

Ured Svjetske zdravstvene organizacije u Bosni i Hercegovini saopštio je da je Generalni direktor SZO je 30. januara 2020. godine ponovno sazvaio sastanak Odbora za vanredne situacije kako bi sa Odborom utvrdio da li epidemija novog corona virusa predstavlja vanredni javnozdravstveni događaj od međunarodnog značaja. Generalni direktor je prihvatio savjet Odbora i proglasio ovu epidemiju vanrednim javnozdravstvenim događajem od međunarodnog značaja.

„Vanredni javnozdravstveni događaj od međunarodnog značaja je definisan na temelju 3 osnovna kriterija, u skladu sa članom 1. Međunarodnog zdravstvenog pravilnika kao:


1. vanredan događaj, sa rizikom koji predstavlja
2. javnozdravstveni rizik za druge zemlje, usljed globalnog širenja, te
3. koji potencijalno zahtijeva koordinisani zdravstveni odgovor.

Proglašenje vanrednog javnozdravstvenog događaja od međunarodnog značaja ima sljedeće učinke:

1. SZO izdaje privremene preporuke. Ove preporuke nisu obavezujuće, ali su praktično i politički značajne mjere koje mogu da utiču na putovanja, trgovinu, uvođenje karantina, skrining i liječenje. Isto tako, one mogu da posluže kao osnova za postavljanje globalnih standarda prakse u ovim oblastima.
2. SZO može pozvati zemlje na odgovornost ukoliko nepotrebno prekorače ove globalne standarde. To je od kritične važnosti kako bi se osiguralo da međunarodni odgovor na situaciju bude zasnovan na dokazima, odmjeran, te uravnotežen, kako bi se ljudsko zdravlje zaštitilo na takav način da taj odgovor ne bude niti prekomjeran, niti nedovoljan.
3. Vanredni javnozdravstveni događaj od međunarodnog značaja unapređuje koordinaciju, saradnju i solidarnost na globalnom nivou. On potvrđuje da je ovaj problem zajednički problem i da je najbolji način za njegovo rješavanje zajednički rad.

Odbor je preporučio da Kina nastavi sa sprovođenjem mjera, kao što su obavještanje stanovništva o razvoju epidemije, mjerama prevencije i zaštite za stanovništvo i mjerama koje se preduzimaju na njenom zaustavljanju. Kina treba da nastavi sa provođenjem aktivnosti skrininga na odlasku na međunarodnim aerodromima i u lukama, sa ciljem ranog otkrivanja simptomatičnih putnika, kako bi se sproveli dalje procjene i liječenja, uz minimalne poremećaje u međunarodnom saobraćaju.

Nakon prvih informacija o pojavi oboljelih od novog corona virusa u Evropi, 30.01.2020.godine održan je sastanak u Federalnom ministarstvu zdravstva (Savjetodavno tijelo Federalnog ministarstva za zarazne bolesti i direktori zavoda za javno zdravstvo u FBiH), te je odlučeno da se u svim kantonima formiraju Koordinaciona tijela za kontroli širenja ove nove bolesti.



Ministarstvo zdravstva Zeničko-dobojskog kantona je već 31.01.2020. godine Rješenjem broj: 11-33-1335-2/19 formiralo Koordinaciono tijelo za praćenje novog corona virusa u cilju podizanja mjera osiguranja radi zaštite stanovništva od bolesti uzrokovane novim corona virusom.

U međuvremenu, na osnovu Zaključka Vlade Federacije Bosne i Hercegovine broj: 164/2020 od 31.01.2020. godine, donesena je Naredba Federalnog Ministarstva zdravstva, broj: 01-33-547/20 od 03.02.2020. godine, kojom je kantonalnim ministarstvima zdravstva naloženo da, u skladu sa članom 187. Stav (3) Zakona o zdravstvenoj zaštiti ("Službene novine Federacije BiH", broj: 46/10 i 75/13), a u vezi sa odredbama Pravilnika o ustrojstvu i načinu rada Kriznog štaba Federalnog ministarstva ("Službene novine Federacije bosne i Hercegovine", broj: 10/12) imenuju krizne štabove kantonalnih ministarstava.

Naredbom je naloženo da se:

- aktivira Krizni plan pripravnosti za postupanje nadležnih institucija u Kantonu u cilju poduzimanja mjera zaštite stanovništva od zaraznih bolesti, a radi sprečavanja i ranog otkrivanja eventualnog slučaja bolesti izazvane novim corona virusom,
- osigura da zdravstvene ustanove s područja Kantona postupaju u skladu sa Mjerama za zdravstvene ustanove koje je sačinio Zavod za javno zdravstvo Federacije Bosne i Hercegovine.
- Predlože potencijalne lokacije na području kantona na kojima bi se u slučaju potrebe organizirao karanten u skladu sa Zakonom o zaštiti stanovništva od zaraznih bolesti.

Rješenjem ministra Ministarstva zdravstva broj: 11-33-1335-3/20 od 04.02.2020. godine imenovan je Krizni štab Ministarstva zdravstva Zeničko-dobojskog kantona za praćenje corona virusa u sastavu:

1. dr Adnan Jupić, Ministar zdravstva Zeničko-dobojskog kantona, predsjednik,
2. Ankica Radić, dipl oec, pomoćnik ministra za ekonomske poslove Ministarstva

zdravstva,

3. dr Senad Huseinagić, direktor Instituta za zdravlje i sigurnost hrane Zenica, član Kriznog štaba Kantonalne uprave civilne zaštite, član,
4. dr Rasim Skomorac, direktor JU Kantonalna bolnica Zenica, član
5. dr Selvedina Spahić Sarajlić, direktorica JU Dom zdravlja Zenica, član
6. dr Fatima Bašić, spec. epidemiolog - Institut za zdravlje i sigurnost hrane Zenica, član
7. dr Alis Kozica, spec.epidemiolog – Institut za zdravlje i sigurnost hrane Zenica, član
8. dr Ednan Drljević, spec.infektolog, Kantonalna bolnica Zenica, član
9. Suljo Kartal, Pomoćnik Ministra za poljoprivredu i veterinarstvo ZDK, član
10. Alisa Avdić, kantonalni sanitarni inspektor, Kantonalna uprava za inspekcijske poslove Zeničko-dobojskog kantona, član
11. dr Ljilja Sejdinović, spec.epidemiolog JU „Dom zdravlja Tešanj, član
12. dr Mahdi Brčanović, spec.epidemiolog Kantonalna bolnica Zenica, član,
13. Adem Mecavica, viši referent za odnose sa javnošću u Uredu Premijera Zeničko-dobojskog kantona.

Krizni štab je naknadno proširen, zbog ukazanih potreba sa još dva člana i to:

1. dr Hasan Škiljo, direktor Opće bolnice Tešanj i
2. Belma Kovač-Spahić, diplomirani pravnik u Zavodu za bolesti ovisnosti Zeničko-dobojskog kantona

Obaveze i ovlaštenja Kriznog štaba Kantalnog ministarstva zdravstva su da:

- provodi naloge Kriznog štaba Federalnog ministarstva zdravstva,
- prikuplja potrebne informacije sa terena,
- analizira opremljenost i osposobljenost nadležnih institucija na području ZDK, te po potrebi traži pomoć i podršku Federalnog kriznog štaba,
- kontinuirano procjenjuje rizik,
- sprovodi i prati sprovođenje mjera na terenu,
- preraspoređuje osoblje i druge resurse prema potrebama i procjeni rizika,
- obavještava javnost putem medija o svim potrebnim informacijama (informisanje i savjetovanje stanovništva),
- u slučaju potrebe, preko Vlade ZDK zahtijeva provođenje određenih mjera iz nadležnosti drugih resora i
- izvještava Krizni štab na federalnom nivou.

Na sjednici Kriznog štaba održanoj 05.02.2020. godine doneseni su zaključci:

- kontakt osoba ispred Kriznog štaba Ministarstva zdravstva Zeničko-dobojskog kantona, koja će biti dostupna Kriznom štabu Federalnog ministarstva zdravstva je dr Fatima Bašić, spec. epidemiolog, o čemu je obaviješten Krizni štab Federalnog ministarstva zdravstva.
- izrada Kriznog plana pripravnosti za postupanje nadležnih institucija u kantonu radi sprečavanja i ranog otkrivanja eventualnog slučaja bolesti izazvane novim corona virusom,
- izrada procedura postupanja koje su primjenljive na terenu,
- nalog bolnicama da pripreme prostorije za izolaciju,
- Nalog domovima zdravlja da ispitaju mogućnost pripreme prostorije za izolaciju u slučaju potrebe,
- nalog ustanovama da provjere stanje zaliha zaštitne opreme i dezinfekcionih sredstava i

izvjeste Krizni štab,

- definiranje potreba za zaštitnom opremom kako bi se išlo u proceduru odobravanja sredstava iz sredstava budžetske rezerve, za što je potrebna Odluka Vlade Zeničko-dobojskog kantona,
- organizovanje predavanja za doktore u saradnji sa Ljekarskom komorom,
- nalog inspekcijskim službama da pojačaju nadzor nad higijenskim prilikama u objektima gdje boravi veći broj ljudi

Krizni štab Federalnog ministarstva zdravstva izdao je Naredbu broj: 01-33-625/20 od 05.02.2020. godine i utvrdio procedure nadzora putnika u međunarodnom prometu kao odgovor na pojavu novog corona virusa (Covid-19) u Kini.

Na sjednici Kriznog štaba održanoj 25.02.2020. godine razmatran je Kantonalni plan pripravnosti za oboljenja izazvana novim corona virusom(COVID-19) i Plan potreba za zaštitnom opremom i ostalom medicinskom opremom.

Doneseni su sljedeći zaključci:

- Krizni štab je nakon iznijetih primjedbi I uvrštenih korekcija usvojio Kantonalni plan pripravnosti za oboljenja izazvana novim corona virusom (covid-19).
- Krizni štab je prihvatio procjenu potreba za zaštitnom opremom i dezinfekcionim sredstvima, kao dio pripravnosti zdravstvenog sistema na borbu za novim corona virusom.
- Zaključeno je da se prema Vladi ZDK uputi Informacija o stanju u vezi kontrole corona virusa. Informacija će sadržavati Plan pripravnosti kao i procjenu potrebnih zaštitnih sredstava i dezinfekcionih sredstava. Takođe će se navesti potreba nabavke najmanje 4 kontejnera za izolaciju osoba sa sumnjom na infekciju novim corona virusom, kao i osposobljavanje Kantonalne bolnice za tretman najtežih stanja koja trebaju respiratornu podršku, za šta je potrebno hitno izvršiti nabavku najmanje 3 respiratora, a po mogućnosti i ECMO aparat.
- Svim zdravstvenim ustanovama će biti dostavljen Kantonalni plan pripravnosti kao i procjena potreba za zaštitnom opremom, te se svim ustanovama na području ZDK nalaže da formiraju svoje Operativne timove te da urade vlastite Planove pripravnosti, a na osnovu kantonalnog dokumenta.
- Dokument Kantonalni plan pripravnosti i Procjena potreba za zaštitnom opremom će biti dostavljeni i Federalnom kriznom štabu.

Posebna pažnja je posvećena određivanju potencijalnih lokacija za izolaciju, o čemu se raspravljalo i na sjednicama Kriznog štaba održanim 28.02.2020. godine.

Prvobitno su određene kao potencijalne tri lokacije, Hotel Rudar, Hotel Internacional, Kasarna Armije BiH. Stručna lica, predstavnici Kriznog štaba su nakon obilaska potencijalnih objekata i komunikacije na terenu, zaključili da ponuđeni objekti ne zadovoljavaju uslove, te da bi bila potrebna veća dodatna ulaganja za osposobljavanje.

Na sastanku Kriznog štaba održanom 04.03.2020. godine, doneseno je:

- Odluka da se zgrada Stacionara, koju koristi JU Kantonalna bolnica Zenica određuje kao objekat u kojem će se vršiti prihvati, izolacija i tretman sumnjivih slučajeva na corona virus, te da JU Kantonalna bolnica Zenica utvrdi potrebe za adaptacijom prostora, dodatnom opremom i zaštitnim sredstvima, angažmanom dodatnog kadra i ostalim

potrebama , kako bi se stvorile pretpostavke za sprečavanje širenje slučaja bolesti izazvane corona virusom. Donošenjem ove odluke odustalo se od nabavke montažnih kontejnera, kako je bilo prvobitno zaključeno.

- Sukladno Naredbi Kriznog štaba Federalnog ministarstva zdravstva, broj: 01-33-SL/20 od 03.03.2020. godine, naloženo je Institutu za zdravlje i sigurnost hrane Zenica i svim domovima zdravlja da obezbijede neizostavno prisustvo po jednog predstavnika na Edukaciji u vezi pojave novog corona virusa, koja je organizovana u 05.03. i 06.03. 2020. godine u Sarajevu.
- Svim gradonačelnicima i načelnicima Grada/općine naloženo je da u vezi praćenja novog corona virusa osiguraju u svom Gradu/općini angažman sanitarnog inspektora, obzirom na mali kapacitet kojim raspolaže Kantonalna uprava za inspekcijske poslove.

Nakon zajedničkog sastanka Kriznog štaba Federalnog ministarstva zdravstva i svih kantonalnih štabova, dana 06.03.2020. godine održan je sastanak Kriznog štaba Zeničko-dobojskog kantona i utvrđene su procedure izdavanja rješenja za smještaj u izolaciju sumnjivih na corona virus, kao i zdravstveni nadzor, sukladno članu 46. i 48. Zakona o zaštiti stanovništva od zaraznih bolesti. Odlučeno je formiranje ekspertnog tima, kao savjetodavno tijelo, kao i obaveza izvještavanje Kriznog štaba Federalnog ministarstva zdravstva o broju slučajeva stavljenih u izolaciju i zdravstveni nadzor.

PROCJENA RIZIKA

Rizik od Covid-19 infekcije za stanovništvo u Europi trenutno je visok.

Procjena rizika se vrši na osnovu informacija koje su u datom trenutku dostupne i konteksta u kojem se rizik procjenjuje (matriks rizika) i promjenljiv je:

Osnovni parametri za procjenu rizika su:

- epidemiološke karakteristike oboljenja,
- podaci o kretanju oboljenja (CDC/ECDC), posebno zemlje okruženja,
- izložena populacija (putnici),
- kontekst-rizik za opću populaciju,
- resursi kojima raspolažemo-nadzor, kadrovi, oprema,
- slabosti sistema i
- ostalo

Stručni timovi za praćenje situacije sa COVID-19, procjenjuju rizik na osnovu promjena parametara.


RIZIK ZA BIH

Shodno navedenim procjenama ECDC, a uzimajući u obzir da je BiH poduzela mjere nadzora prema preporukama WHO, može se smatrati da je i za stanovništvo BiH rizik visok, a posebno imajući u vidu značajan broj oboljelih u Italiji, kao i pojavu više slučajeva u Hrvatskoj, Sloveniji i prvih slučajeva u Bosni i Hercegovini.

RIZIK ZA ZENIČKO-DOBOJSKI KANTON

Shodno navedenim procjenama ECDC, a uzimajući u obzir da je BiH I ZDK poduzeli mjere nadzora prema preporukama WHO, može se smatrati da je i za stanovništvo BiH kao i ZDK rizik visok. Činjenica da ZDK nije blizu granici (za ulazak putnika), niti na području ZDK postoji međunarodni aerodrom, to smanjuje stepen rizika od širenja bolesti, ali značajan broj ljudi sa područja ZDK koji privremeno borave (rade) u nekim područjima u kojima postoje registrovani slučajevi oboljenja (Sjeverna Italija, Hrvatska), to povećava stepen rizika za pojavu i eventualno širenje bolesti i na području ZDK.

SHEMA DJELOVANJA




Zadatak kriznog štaba je korigovanje aktiviranog Kriznog plana pripravnosti za postupanje nadležnih institucija u ZDK, prema uputama i naredbama Kriznog štaba Federalnog ministarstva zdravstva, a radi sprječavanja ranog otkrivanja slučaja bolesti izazvane novim coronavirusom. Navadeno podrazumijeva utvrđivanje plana prevoza osobe za koju se posumnja da boluje od novog coronavirusa do Kantonalne bolnice, te ostale aktivnosti u skladu sa odredbama Zakona o zdravstvenoj zaštiti, Zakona o zaštiti stanovništva od zaraznih bolesti i odredbama Pravilnika o organizovanju i načinu rada kriznog štaba.

UPRAVLJANJE SLUČAJEM

Aдекватно upravljanje svakim sumnjivim slučajem oboljenja od COVID-19, za sada predstavlja najvažniju protivepidemijsku mjeru koja podrazumijeva:

- postavljanje sumnje u skladu sa definicijom slučaja (ARI+jedan od epidemioloških kriterija)
- pravilan postupak prema mogućem izvoru infekcije u nadležnoj ambulanti (Prilog2; Procedure1,2,3,4,5)
- hitna prijava nadležnom HES-u radi provođenja protivepidemijskih mjera u okolini oboljelog (Prilog5.)



Izolacija za početak su dvije sobe u OB Tešanj i četiri sobe u KB Zenica.

Hitno osigurati objekat za izolaciju u koj bi se smještali svi sumnjivi slučajevi, a koji ne zahtijevaju bolnički tretman. ajevi a koji ne zahtijevaju bolnički tretman. Prostor određen za izolaciju, sukladno Odluci Kriznog štaba Ministarstva zdravstva Zeničko-dobojskog kantona je zgrada Stacionara, koji je dio JU kantonalna bolnica Zenica.

Nakon osposobljavanja prostora za izolaciju, kapaciteti Opće bolnice Tešanj i JU kantonalna bolnica Zenica će služiti samo za liječenje oboljelih, a čije stanje zahtijeva bolnički tretman u uslovima izolacije.

INFORMACIJA ZA VLADU

Imajući u vidu navedeno Ministarstvo zdravstva je sačinilo Informaciju kojom se Vlada Zeničko-dobojskog kantona upoznaje sa problematikom koja je izazvana pojavom novog corona virusa.

Vrlo je bitno istaknuti da Federacija BiH ima ograničene tehničke, prostorne i ljudske kapacitete za tretiranje pacijenata zaraženih ovom bolesti, posebno pacijenata sa teškom kliničkom slikom. Jedna od najugroženijih kategorija su upravo zdravstveni radnici. Situacija sa potrebnom opremom je nejasna, ali čini se da većina zdravstvenih ustanova nema dovoljne količine zaštitne opreme u slučaju pojave većeg broja zaraženih.

Također, Federacija BiH nema određen karanten. Sukladno članu 46. Zakona o zaštiti stanovništva od zaraznih bolesti o određivanju prostora za karanten odlučuje federalni ministar na osnovu epidemiološkog izvještaja Federalnog zavoda, rješenjem protiv kojeg je dozvoljena žalba koja ne odlaže izvršenje. Dužina zadržavanja u karantenu je vremenski interval dvostrukog najdužeg inkubacionog perioda za određenu bolest. Karanten se fizički osigurava od ovlaštenih lica nadležnog kantonalnog ministarstva unutrašnjih poslova. Troškovi karantena padaju na teret budžeta Federacije BiH.

Što se tiče Zeničko-dobojskog kantona, situacija je slična. Kapaciteti zdravstvenih ustanova su dosta ograničeni. Postojeće zalihe zaštitnih sredstava su nedovoljne u slučaju pojave većeg broja sumnjivih slučajeva.

Dvije bolnice na području Kantona nemaju adekvatne kapacitete za smještaj većeg broja oboljelih. U Kantonalnoj bolnici su samo 4 sobe adekvatne za izolaciju, a u Općoj bolnici su dvije sobe. Nijedna bolnica na Kantonu nema opremu za tretman težih respiratorno ugroženih bolesnika (respiratore), o čemu je obaviješten Krizni štab Federalnog ministarstva zdravstva.

Odlukom Kriznog štaba JU kantonalna bolnica Zenica je zadužena da za potrebe izolacije oboljelih i sumnjivih na infekciju virusom Covid-19, opredijeli prostor zgrade Stacionara, koji je dio JU Kantonalna bolnica Zenica.

Prema zaključcima Kriznog štaba neophodno je obezbjediti početna sredstva u iznosu od 515.000,00 KM za neophodne nabavke:

	POTREBNA OPREMA I SREDSTVA	POTREBAN IZNOS (KM)
1.	Zaštitna oprema (zaštitna odijela, zaštitne kapuljače, zaštitne maske rukavice, zaštitne naočale, navlake za obuću i kese za infektivni otpad	129.000,00
2.	Dezinfekciona sredstva	16.000,00
3.	Priprema prostora u zgradi Stacionara koja je određena za prihvatanje, izolaciju i tretman sumnjivih slučajeva corona virusa	100.000,00
4.	Respiratori (3 komada)	150.000,00
5.	Mobilni RTG aparat	60.000,00

6.	Ambulatno vozilo za prevoz oboljelih i sumnjivih na infekciju corona virusom	60.000,00
	Ukupno	515.000,00

Nakon zajedničkog sastanka održanog 07.03.2020. godine kod Premijera Zeničko-dobojskog kantona, član kriznog štaba dr Rasim Skomorac je, na osnovu Odluke o utvrđivanju Stacionara kao izolatorija, iskazao i dodatne potrebe za određenom opremom, a koje zbog nedostatka vremena nisu bile razmatrane na sjednicama Kriznog štaba (rentgenski aparat, sanitetsko vozilo...).

Imajući u vidu navedeno, kao i činjenicu neophodnosti hitnih nabavki u cilju efikasne zaštite stanovništva od zaraznih bolesti, uz prethodnu analizu raspoloživih sredstava planiranih u Budžetu Ministarstva zdravstva za 2020. godinu, predlažu se Vladi Zeničko-dobojskog kantona sljedeći zaključci:

1. Usvaja se Informacija o stanju u vezi kontrole corona virusa na području Zeničko-dobojskog kantona.
2. Zadužuje se Ministarstvo zdravstva da predloži Program utroška sredstava planiranih u Budžetu Zeničko-dobojskog kantona za 2020. godinu na poziciji "Kapitalni transferi drugim nivoima vlasti-za zdravstvo" u kojem će cjelokupan iznos planiranih sredstava biti usmjeren u JU Kantonalna bolnica Zenica, od čega će dio biti planiran za redovno finansiranje, a dijelom će se uobziriti potrebe JU Kantonalna bolnica za dodatnim sredstvima za adaptaciju prostora zgrade Stacionara (prostor za izolaciju), kao i potrebe za neophodnom dodatnom medicinskom i nemedicinskom opremom.
3. Zadužuju se Ministarstvo zdravstva i Ministarstvo finansija da u skladu sa članom 15. Zakona o izvršavanju Budžeta Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19), donesu Odluku o preraspodjeli rashoda i preusmjere sredstva u iznosu od 50.000,00 KM za nabavku zaštitne opreme i dezinfekcionih sredstava za potrebe zdravstvenih ustanova na poziciju "Tekući transfer za Institutu za zdravlje i sigurnost hrane Zenica", ekonomski kod 614100, subanalitika LAX008.
4. Zadužuju se Ministarstvo zdravstva i Ministarstvo finansija da pokrenu hitnu proceduru odobrenja sredstava tekuće rezerve u iznosu od 50.000,00 KM u skladu sa članom 16. Zakona o izvršavanju Budžeta Zeničko-dobojskog kantona za 2020. godinu i Odlukom o kriterijima raspodjele finansijskih sredstava iz "Tekuće rezerve" Budžeta Zeničko-dobojskog kantona ("Službene novine Zeničko-dobojskog kantona", broj: 9/11), za nabavku zaštitne opreme i dezinfekcionih sredstava za potrebe zdravstvenih ustanova. Sredstvima tekuće rezerve uvećat će se pozicija "Tekući transfer za Institutu za zdravlje i sigurnost hrane Zenica", ekonomski kod 614100, subanalitika LAX008 za 50.000,0 KM.
5. Nakon obezbjeđenja izvora finansiranja nabavke zaštitne opreme i dezinfekcionih

sredstava, za nabavku zadužiti JU Institut za zdravlje i sigurnost hrane da, u skladu sa članom 19. i 21. Zakona o javnim nabavkama provede pregovarački postupak bez objave obavještenja, obzirom da su ispunjeni uslovi iz člana 21 tačka d) kojim je propisano da se izuzetno zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu s ugovornim organom.

6. Donijeti Odluku o odobravanju sredstava JU Institut za zdravlje i sigurnost hrane Zenica u iznosu od 100.000,00KM za nabavku zaštitne opreme i dezinfekcionih sredstava. Prema iskazanim potrebama po količinama pojedinih zaštitnih sredstava i očekivanim cijenama, prema podacima Kriznog štaba potrebna sredstva za sljedeće zdravstvene ustanove iznose:

Naziv zdravstvene ustanove	Iznos sredstava u KM
JU Institut za zdravlje i sigurnost hrane Zenica	13.150,00
Opća Bolnica Tešanj	12.633,00
Dom zdravlja Zenica	20.241,00
Dom zdravlja Tešanj	6.734,00
Dom zdravlja Kakanj	6.734,00
Dom zdravlja Visoko	6.734,00
Dom zdravlja Zavidovići	6.734,00
Dom zdravlja Žepče	6.734,00
Dom zdravlja Maglaj	4.072,00
Dom zdravlja Breza	4.072,00
Dom zdravlja Olovo	2.418,00
Dom zdravlja Vareš	2.418,00
Dom zdravlja Usora	2.240,00
Dom zdravlja Doboj jug	2.240,00
Zavod za medicine rada i sportsku medicinu Zeničko-dobojskog kantona	1.143,00
Zavod za bolesti ovisnosti Zeničko-dobojskog kantona	908,00
Ukupno	99.205,00

7. U slučaju potrebe za dodatnim sredstvima za provođenje preventivnih zaštitnih mjera za zaštitu stanovništva od zaraznih bolesti, preispitati mogućnost angažovanja sredstava Kantonalne uprave civilne zaštite, u skladu sa članom 3. tačka 1) i članom 183. stav (3) Zakona o zaštiti i spašavanju ljudi i materijalnih dobara od prirodnih i drugih nesreća

(“Službene novine Federacije BiH”, broj: 39/03,22/06 i 43/10), kojim je propisano da Kanton može dio sredstava iz člana 180. stav 4. Zakona, koja pripadaju kantonu, izuzetno kao interventnu mjeru, koristiti za finansiranje preventivnih mjera zaštite i spašavanja, pod uslovom da je dio sredstava za te namjene obezbjeđen u budžetu kantona i ako su preventivne mjere utvrđene u program razvoja i godišnjem planu realizacije tog programa, s tim da ta sredstva ne mogu biti veća od 20% sredstava koja se prikupe u toku budžetske godine.

8. U slučaju potrebe za dodatnim sredstvima za provođenje preventivnih zaštitnih mjera za zaštitu stanovništva od zaraznih bolesti, preispitati mogućnost angažovanja sredstava planiranih u Finansijskom planu Zavoda zdravstvenog osiguranja Zeničko-dobojskog kantona za 2020. godinu na poziciji “Tekuća rezerva” .
9. Ovaj zaključak stupa na snagu danom donošenja.

MINISTAR

dr Adnan Jupić

U prilogu:

- Procjena potreba za zaštitnom opremom i dezinfekcionim sredstvima

Zenica, 09.03.2020. godine

Korigovani plan potrebnih količina zaštitne opreme i dezinfekcionih sredstava

[illegible]

Korigovani plan potrebnih sredstava za nabavku zaštitne opreme i dezinfekcionih sredstava

	KB ZENIC	INZ	OB TEŠANJ	DZ ZENICA	DZ TEŠANJ	DZ KAKANJ	DZ VISOKO	DZ ZAVIDOVIĆI	DZ ZEPČE	DZ MAGLAJ	DZ BREZA	DZ OLOVO	DZ VAREŠ	DZ USORA	DZ DOBOJ JUG	Zavod za medicinu rada i sportsku medicinu	Zavod za bolesti ovisnosti	UKUPNO
ZŠTITNO ODIJELO	18.100,00	5.430,00	5.430,00	7.240,00	2.534,00	2.534,00	2.534,00	2.534,00	2.534,00	1.267,00	1.267,00	760,20	760,20	814,50	814,50	452,50	271,50	55.277,40
ZAŠTITNA KAPULAJČA	2.000,00	600,00	600,00	800,00	280,00	280,00	280,00	280,00	280,00	180,00	180,00	84,00	84,00	90,00	90,00	50,00	30,00	6.188,00
ZAŠTITNE NAOČALE	534,00	267,00	133,50	267,00	89,00	89,00	89,00	89,00	89,00	53,40	53,40	35,60	35,60	35,60	35,60	44,50	44,50	1.984,70
VIZIR ZA LICE	1.150,00	230,00	115,00	460,00	161,00	161,00	161,00	161,00	161,00	138,00	138,00	69,00	69,00	92,00	92,00	46,00	46,00	3.450,00
ZAŠTITNA MASKA KLASE FFP3	7.000,00	2.100,00	2.100,00	2.800,00	980,00	980,00	980,00	980,00	980,00	700,00	700,00	315,00	315,00	315,00	315,00	140,00	140,00	21.840,00
MASKA HIRURŠKA	1.575,00	630,00	567,00	2.835,00	756,00	756,00	756,00	756,00	756,00	567,00	567,00	346,50	346,50	189,00	189,00	63,00	63,00	11.718,00
NAVLAKA ZA OBUČU	395,00	158,00	158,00	316,00	118,50	118,50	118,50	118,50	118,50	63,20	63,20	47,40	47,40	47,40	47,40	15,80	15,80	1.967,10
ZAŠTITNE RUKAVICE	1.290,00	344,00	344,00	602,00	206,40	206,40	206,40	206,40	206,40	129,00	129,00	111,80	111,80	111,80	111,80	43,00	43,00	4.403,20
KESE ZA infektivni otpad	780,00	195,00	130,00	260,00	91,00	91,00	91,00	91,00	91,00	45,50	45,50	27,30	27,30	29,25	29,25	13,00	13,00	2.050,10
UKUPNO ZAŠTITNA OPREMA BEZ PDV	32.824,00	9.954,00	9.577,50	15.580,00	5.215,90	5.215,90	5.215,90	5.215,90	5.215,90	3.143,10	3.143,10	1.796,80	1.796,80	1.724,55	1.724,55	867,80	666,80	108.878,50
Dezinfekciono sredstvo na bazi alkohola 50 ml ili 100 ml (komada)	400,00	100,00	100,00	125,00	40,00	40,00	40,00	40,00	40,00	25,00	25,00	20,00	20,00	15,00	15,00	10,00	10,00	1.065,00
Dezinfekciono sredstvo na bazi alkohola (litar)	1.600,00	400,00	400,00	500,00	160,00	160,00	160,00	160,00	160,00	100,00	100,00	80,00	80,00	60,00	60,00	40,00	40,00	4.260,00
Izosan (100 g)	1.950,00	585,00	520,00	845,00	260,00	260,00	260,00	260,00	260,00	162,50	162,50	130,00	130,00	84,50	84,50	39,00	39,00	6.032,00
Alkohol 70% (litar)a	1.000,00	200,00	200,00	250,00	80,00	80,00	80,00	80,00	80,00	50,00	50,00	40,00	40,00	30,00	30,00	20,00	20,00	2.330,00
UKUPNO DEZINFEKCIONA SREDSTVA	4.950,00	1.285,00	1.220,00	1.720,00	540,00	540,00	540,00	540,00	540,00	337,50	337,50	270,00	270,00	189,50	189,50	109,00	109,00	13.687,00
UKUPNO BEZ PDV	37.774,00	11.239,00	10.797,50	17.300,00	5.755,90	5.755,90	5.755,90	5.755,90	5.755,90	3.480,60	3.480,60	2.066,80	2.066,80	1.914,05	1.914,05	976,80	775,80	122.565,50
UKUPNO SA PDV	44.195,58	13.149,63	12.633,08	20.241,00	6.734,40	6.734,40	6.734,40	6.734,40	6.734,40	4.072,30	4.072,30	2.418,16	2.418,16	2.239,44	2.239,44	1.142,86	907,69	143.401,64